

вечный дондеже въздасть последний квадрант. Сего ради блюдися всяка власть, всяк человек обьего полу отимати у бога, яже божиа суть ради падения, еже пишется в При||тчах, 20 глава: Падение бо человеку погла- л. 496 щати святых.

Сего ради аще внити хощещи в вечный живот и в славу царьства небеснаго, храни заповеди, понеже вход в живот вечный есть съхранение заповедей божьих. Аще ли хощещи вселитися в ад с дияволом и князьми его в огонь вечный, тогда леть ти есть благая божиа и церковная отимати, яже православнии начальници щедре от благ богом им порученных церкви с умилением за грехи своя подаша. Многи бо римстии начальници православныя веры хранители, яко Константин великий Елени и Карул Бертин священную православную и съборную церковь, ея ж глава есть Христос искупитель наш, теплотою веры и чистым благоговейньством бодростью чествующе, многа благая временная подвижная и неподвижная и многи || таланты злата и сребра подаша за душу своих спасение. Их же л. 496 об. милостивному благоговейньству нашего времени начальници в разных мира странах спротивници не токмо своих не дающе, но яже от православных начальников церкви и Христу освященна суть отимати и к своим имением прилагати дерзають, скровища своя наполнити поучающесе, но ему же таковая събирають, не ведуще, ниже от таковых благих възрадуется он, на третии наследници.

Коль тяжек, коль велик есть сий непослушания грех, накажися на Анинии и Сафире, жече его,^к в Деаниих, глава 5, иже сме||ртную казнь л. 497 приаше понеже не вся принесено себе часть съблюсти хотяше. Сего ради како мучим будеть и коея муки достоин ест не бояйся, яже божиа суть отняти, аще льстяй смертью предварен бысть. Въспомяни, о душа, творящая святотатство и поучающаяся день и ноць церковная благая себе получитьи, понеже умрещи в сию ноць и наго пакы възвратишися в землю, от нея же наг взят еси, възпомяни притчю еуангилскую,^л Матфей, глава 5: Егда дар твой и милостину принесещи к олтарю не бо предкновение сътворил еси брату твоему, но творцу и спасу душа твоя, || и по совету еуангильскому остави дар твой пред олтарем и иди первое и смирися з братом, с настоятелем и богом твоим, и отдай церковная и настоятеля ея, яже взял еси, и тогда пришед принеси дар твой; аще сего не сотвориши, предасть ты настоятель твой слазе адьскому, да послет тя в темницу, откуду не изыдеши, дондеж въздаси последний кондрант. Ни един бо грех вещи отнятые по уставу святых отець отпуститя, аще вещь отнятая не отдана будеть. И аще грех тебе не отпуститя, его же сътвориши отимающе грабительством к брату твоему, аще вещи не отдаш, колми паче грех сий святотатства отпустить ти ся зде || и в будущем, аще не отдаш, яже л. 498 сцак божиа и церковная и настоятельская отнял еси. Прочти к сему образ в третьей книзе Царств, глава 21: Езавель, жена Ахава царя, яже взят виноград Навотов суседа своего и подвластника, не токмо просто отняти хотяще, но лущи дати или злата или сребра цену колико достоин бе обеща, но понеже не хотящу продати и винограда съступитись, бысть обида, поразил господь бог от Ахава весь мужьск пол, и пси снедоша Езавель, жену его, на поле Езраельсте. Той виноград не бе церковный, ниже духовной вещи приложенной, ниже богови или церкви его освящен, но бе мирь-|| л. 498 об. скаго человека не хотяща продати его, и за еже неправедно спротивно воле наследника взят быгь, казнью смерти даже до последнего роду Ахава царя мучими быша. Како же мучим будеть и коея муки достоин будеть той, иже церковь насилствовати и имениа ея отимати не страшитя!

^к На поле Зачало 13. ^л На поле Зачало 12.